

CRECEMENTO FORMAL DI DIVI HOTELS

ORANJESTAD(AAN)—Durante weekend cu a pasa accionistanan di Divi Hotel a tene nan reunion actual di accionistanan na Aruba.

Manera ta conoci e grupo di Divi Hotels no ta solamente e dunador di trabao mas grandi cu tin actualmente na Aruba, cu su 605 empleadonan, pero ta e grupo cu tin un di e empresanan mas exitoso tambe. Un grupo cu a cuminsa na Aruba y cu den 16 aña di tempo a expande pa Caribe. Divi Hotels ta conoci como e hotelnan cu e grado mas halto di ocupacion y cu un porcentahe masha halto di clientenan cu ta regresa tur aña pa pasa nan vacacion na Aruba.

E hotelnan di e grupo aki, Divi Divi Hotel, Tamarijn Beach Hotel, Dutch Village, Alhambra Casino ta propaga "Elegancia pia'bao" (Barefoot elegance) como factor pa demostra e ambiente y atencion cu e bishitante nan ta ricibi pa nan vacacion di nan soño.

Den e relato anual di e hotel cu a ser ricibi, por a lesa di e crecemento enorme cu e compania aki tin.

Relato financiero ta ser duna di e periodo di Mei aña pasa pa April e aña aki (e aña fiscal di e compania).

Ta ser duna situacion financiero pero tambe atencion ta ser dirigi na e topfuncionarionan di e hotelnan y e compania.

Esakinan ta e personanan cu a contribui na e "Succes Story", di Divi Hotels.

Tin un relato di presidente Walter Wiggins y tmbe ta ser menciona e promocion di mercadeo den man di Jean Lynch y otro sectornan manera planning y desarrollo (Roger coster), casino (Al Holden) Aruba Hotel Exploitation (Gerrit Griffith) y Time sharing (Paul M. Siegel).

E mas o menos 150 accionistanan—casi tur ta americano—tamasha satisfecho cu resultadonan cu nan accion(nan) ta duna.

Nan no ta cobra nan dividendonan, pero ta inverti esaki den e compania mes ora.

Venta total di Divi Hotel tabata \$ 475 mil dolar na 1980. Tres aña despues esaki a subi pa total di 13.816.000 dolar y e aña aki bukinan ta muestra cu venta total te cu April 1985 tabata di 29 million dolar. E crecemento aki naturalmente tin di haber tambe cu e compra di Flamingo Beach Hotel na Bonaire.

Tiara Beach Hotel na Cayman Brac, y recientemente cu compra di Southwinds Hotel na Barbados.

Expansion di Tamarijn Beach Hotel y Dutch Village tambe a hunga un papel importante.

Na 1980, ganashi di e compania tabata 555.050 dolar, dos aña despues el a subi pa 1.515.398 dolar, baha na 1983 pa un total di 1.113.287 dolar cual tabata tambe e aña di recesion na Merca.

Aña pasa ganashi tabata 1.902.283 dolar y e aña aki e ganashi a pasa 2 million y ta 2.117.162 dolar.

Recientemente e compania a haci un emision di accionnan na NAS—DA—Q di New York, cual ta un bolsa di accion y aki a ser poni 675 mil accion na 12 dolar, y e emision aki a pone cu e capital di trabao di e compania a aumenta cu 8.1 million dolar. E accionistanan awor a inverti en total 21.796.672 dolar den capital di accion y reservanan.

Balor di e hotelnan ta 35 million di cual 5 million a ser deprecia. Mas di mitar di e inversion a ser haci na Aruba.

Den e relato anual ta ser menciona tambe e futuro di Status Aparte di Aruba.

Ta ser bisa cu esaki lo ta e desarollo mas importante na Antillas cu

Reino Hulandes lo ser dividi den 3 pero cu Divi Hotel no ta mira ningun influencia negativo cu lo sali di esaki ariba tereno politico ni economico tanto na Aruba como na Bonaire unda e compania tin hotelnan.

Walter Wiggins, presidente di e compania ta menciona 19 dimaart como dia importante pasobra e dia ey Divi Hotels a bira un empresa cu anotacion ariba bolsa y e prome paso a ser tuma pa pone Divi Hotels ariba caminda pa bira un di e cadenan dominante y cu ta crece mas lihe den Caribe. Ta ser menciona Alhambra casino y su centro di recreacion cu dentro di poco ta habri cu pacusnan, boutique, restaurantnan, teatro ballron, nightclub etc.

E ta bisa cu tres factor tin cu ta necesario pa exito di un cadena hotelero den Caribe y esaki ta estabilidad politico, suficiente coneccion aereo y un poblacion cu tin servicio pa turista na su curazon y ta e factornan aki a pone cu Divi Hotel ta inverti na Aruba, Bonaire y Barbados. Dentro di algun luna lo

habri e segundo hotel di Divi Hotels na Barbados y esaki ta St. James cu 131 camber. E nomber lo bira Divi Sr. James. Na Aruba a cuminsa cu construccion di e tercer grupo di apartamentonan di Dutch Village. E unidad di 35 camber aki mester ta cla pa december awor. E aña aki 40 apartamento di Flamingo Beach Hotel mester bini cla tambe como expansion di e hotel. Esaki tambe ta un proyecto timesharing mescos cu Dutch Village na Aruba. Ta ser menciona premiacion cu Platinum award cu Dutch village a ricibi e aña aki premiacion di mas halto di Interval International y cu ta 19 di e 500 hotelnan cu a bini na remarca so a ricibi como proyectonan di Time Sharing.


Di Alhambra Casino ta ser muestra ariba e entrada di Alhambra casino den 4 luna y mei cual tabata di 620 mil dolar y cu pa

e prome aña ta spera cu esaki lo ta dos biaha mas tanto. Parti grandi a ser dedica tambe na e em-

pleadonan kendenan a y ta contribuyendo na e exito grandi di Divi Hotels.



Ariba e foto aki por mira Celeste Berkel cu un sonrisa despues di a ricibi un regalo di presidente di Divi Hotels, Sr. Walter Wiggins (na man drechi) den presencia di General Manager Gerrit Griffith pa su 15 aña di servicio cu e hotelnan Divi.



TOSHIBA


SPLIT TYPE AIRCONDITIONERS
Available in FLOOR TYPE
WALL MOUNTING TYPE
and CEILING TYPE

Also available WINDOW TYPE at very special prices at:

HAGEMEYER
Fergusonstraat 114



TOYOTA a kibra porcentaje ariba financiamiento . cumpra un TOYOTA nobo for di stock durante luna di Juli Y bo ta paga na lugar di 18% of 9% solamente 12% of 6%



GARAGE CORDIA ARUBA N.V.